

**Zeitschrift:** Igl Ischi : organ della Romania (Societat de Students Romontschs)

**Herausgeber:** Romania (Societat de Students Romontschs)

**Band:** 70 (1985)

**Heft:** 25

**Artikel:** Cronica

**Autor:** Cathomen, Ignaz

**DOI:** <https://doi.org/10.5169/seals-881730>

### Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

### Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

### Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

**Download PDF:** 30.07.2025

**ETH-Bibliothek Zürich, E-Periodica, <https://www.e-periodica.ch>**

# CRONICA

Mars 1985 (aschunta)

– **Serada romontscha a Glion** cun honoraziun da dr. **Alfons Maissen** per siu 80avel anniversari. Cun quella caschun ha dr. **Donat Cadruvi** ediu in cudischet da poesias ch'el ha dedicau al giubilar. Lic. fil. **Isidor Winzap** ha presentau il cudisch da poesias, dr. **Arnold Spescha** ha undrau Alfons Maissen sco um dil lungatg, dall'istoria e dalla musica, e dr. **Donat Cadruvi** ha undrau en fuorma persunala siu «amitg e fautur» (mira GR, nr. 21/15-3-85).

Avrel 1985

– «**Il ruog rut**» da **Heinrich von Kleist**, gl'emprem teater en plirs lungatgs (sper ils differents idioms romontschs era tudestg da scartira e dialect da Cuera). La translaziun ha **Ursicin G.G. Derungs** procurau, la reschia **Marco Gieriet**. Il toc ei vegnius daus el decuors digl avrel/matg a Cuera, Zernez, Domat, Glion, Sent e Casti, pli tard era a Turitg ed a caschun dalla Scuntrada romontscha a Savognin (mira pressa grischuna).

– **Center per informazion professiunala** (CIP) a Glion. L'informazion generala pertuccont las clamadas ei sper l'activitat da cussegliazion sco tala in dils pli impurtonts pensums digl entruidament da clamada. Per quei motiv ha il district d'entruidament da clamada II, Surselva, endrizzau a Glion igl emprem center per l'informazion professiunala dil Grischun. **Alex Pfister** e **Claudia Gienal**, ils responsabels pigl entruidament da clamada en Surselva, han presentau quei center en tuts detagls a caschun da sia avertura ils 16 d'avrel (mira rapport GR nr. 31/19-4-85).

– **Post da consultaziun da lètgs** per la part catolica dil cantun. Sco menader dil niev post da consultaziun per lètgs, famiglias e damondas dalla veta ha la cumissiun administrativa elegiu – en accordanza cugl ordinariat episcopal – sur dr. **Giosch Albrecht**. Il niev post da consultaziun ha survegniu suttetg el Constantineum a Cuera (mira GR nr. 31/19-4-85).

– **Premis litterars 1984.** La giuria litterara dall'uniu da scripturs romontschs ha surdau ils suandonts premis litterars e duns da renconuschienscha: A **Duri Gaudenz** per siu cudisch da poesias «Quist chantunet am surria», a **Dumeni Capeder** per siu teater commemorativ «Il crest dalla Glisch», ad **Anna Pitschna Grob-Ganzoni** per sia collecziun da praulas «La gia misteriosa ed otras parevlas» ed ad **Oscar Peer** per siu cudisch e roman «Viadi sur cunfin».

– **Donaziun dallas ovras electricas Reinanterieur (ORA) alla Romania.** En connex cun «2000 onns Romontschia» ha la ORA surdau alla Romania la summa da 5000 francs sco donaziun giubilara per sustener igl engaschi cultural dall'uniu. Plinavon ha ella decidiu d'augmentar naven da l'auter onn la contribuzion annuala alla Romania da fr. 800. – sin fr. 2 500. –

## Matg 1985

### – Elecziuns circuitalas, dumengia ils 5 da matg

Pils quater cumins sursilvans ed il cumin da Razén han las elecziuns purtau ils suandonts resultats:

#### Cumin dalla Cadi

Mistral: Bernard Deplazes, pcd, Sumvitg

Derschaders:

Mattias Quinter, Trun  
Aluis Giger, Mustér  
Isidor Duff, Sumvitg  
Faustin Carigiet, Breil

Deputai:

Bernard Deplazes, pcd, Sumvitg  
Vigeli Berther, pcd, Tujetsch  
Walter Decurtins, pcd, Trun  
Augustin Cathomen, pcd, Breil  
Fidel Alig, pcd, Breil/Danis  
Gion Schwarz, pcd, Mustér

#### Cumin dalla Foppa

Mistral: Alfred Bühler, pps, Valendau

Derschaders:

Alex Maissen, Glion  
Christian Christoffel, Riein  
Albert Klaiss, Ruschein  
Margreta Cabrin-Seeli, Falera

Deputai:

Alex Maissen, pcd, Glion  
Placi Cajochen, pcd, Schluuin  
Theo Maissen, pcd, Sevgein  
Hans Bundi, pps, Sagogn  
Leonhard Buchli, lib, Versomi

#### Cumin dalla Lumnezia

Mistral: Balzer Caviezel, pcd, Vella

Derschaders:

Gion Antoni Capaul, Tersnaus  
Rest Martin Cabalzar, Cumbel  
Gion Caminada, Vrin  
Alfons Schmid, Val

Deputai:

Fridolin Hubert, pcd, Val  
Balzer Caviezel, pcd, Vella  
Gieri Capaul, pcd, Lumbrein

#### Cumin da Rueun

Mistral: Michael Cavigelli, pcd, Rueun

Derschaders:

Valentin Alig, Sursaissa  
Alfons Depuoz, Siat  
Gieri Risch, Vuorz  
Giacun Valaulta, Rueun

Deputau:

Raimund Spescha, pcd, Andiast

## Cumin da Razén

Mistral: Albin Biscuolm, pcd, Domat

Derschaders:

René Bargetzi, Domat  
Remo Demarmels, Panaduz  
Bruno Heini, Razén  
Sigis Rageth, Domat

Deputai:

Albin Biscuolm, pcd, Domat  
Thomy Rageth, pcd, Domat  
Toni Cavigelli, pcd, Domat  
Vitus Locher, soc, Domat  
Joachim Caluori, pcd, Panaduz  
Lorenz Tschalèr, pcd, Razén

– **Il radio romontsch alla HIGA.** Per l'emprema gada sepresentan la Cuminanza Romontscha Radio e Televisiun (CRR) e la Societad da radio e televisiun dalla Svizra orientala (ORG) ensemens cun ils corrispondents studios regiunals communabla mein alla HIGA 1985 che ha giu liug dils 10 tochen ils 19 da matg 1985 a Cuera (mira supplement special GR nr. 36/7-5-85 ed ulteriura pressa romontscha).

– **Niev rectur alla scola claustral da Mustér.** Ils 7 da matg 1985 ha il convent resp. igl avat dalla claustra da Mustér eligiu pader dr. **Urban Affentranger** sco niev rectur dalla scola claustral. El remplazza pader dr. Ansgar Müller che ha demissiunau per motivs da sanadad. Il niev eligiu rectur ei naschius igl onn 1944 ed ei oriunds da Retschwil (LU) (mira contr. GR nr. 37/10-5-85).

– **Prof. Walter Wittmann, Mustér/Friburg, obtegn il premi Martin Hilti.** Igl onn 1981 ha la renomada firma Martin Hilti fundau a caschun dil 40avel anniversari dalla firma il premi Martin Hilti. Prof. dr. Walter Wittmann ei il secund pertader dil premi. Il pertader da quei premi, ch'ei dotaus cun 25 000 francs, vegn eruius sin proposta communabla dallas scolas aultas da S. Gagl e da Vienna. Nies cumpatriot sursilvan ha obtenu quei premi en renconuschiantscha da siu engaschi per ina fiera libra e sociala.

– **Cun la barca da gumma tras la Ruinaulta.** Dapi entgins meins dat ei ina nova attracziun per indigens ed jasters dalla regiun Surselva. La regiun da vacanzas Flem-Laax-Falera offerescha a hospes ed indigens in viadi cun barca da gumma sil Rein da Glion tochen La Punt. Quella offerta ha anflau grond resun e per di san tochen 50 personas vegnir transportadas dil Rein guadadora.

– **A Flem Prau la Selva** denter Casa d'uaul e Laax han ins quels dis dau l'emprema badelada per l'erecziun d'in niev center da sport. Il vast project vegn calculaus sin rodund 15 milliuns francs.

– Il di d'Anceinza ha giu liug a Duin la fiasta ecclesiastica dil **Colloqui Sur igl uaul** (la part reformada dalla Surselva). El center da quella fiasta ein stai il survetsch divin da ser **Luzi Battaglia**, plevon a Trin ed il referat da cussieglier naziunal **Simeon Bühler** (mira Casa Paterna nr. 21/24-5-85).

– **Survetsch da sepultura en Surselva.** Dapi il schaner vargau meina Sefi Decur-

tins, Rabius, in «Survetsch da sepultura regiunal Surselva». Quel stat a disposizun a tut tgi che vul ni sa buc organisar sez la sepultura.

– **Concurrenz da cumposiziun 1984.** Quella concurrenz dalla Ligia Romontscha ei vegnida dedicada al giubileum da 2000 onns Retoromania. En tut ein 33 cumposiziuns vegnidas inoltradas e la cumissiun da cant ha rangau 13 canzuns: 5 per chor viril, 5 per chor mischedau e 3 per chor d'affons.

Rang Cumponist/poet	Titel	Idiom
<i>chor mischedau:</i>		
1. Thöni G.P./Thöni G.P.	Himni agl rumantsch	surm.
2. Tscharner G./Tscharner G.	2000 ans	ladin
2. Tscharner G./Poltera R.	Pumer rumantsch	rg
3. Bardill L./Stuppan M.	Il bös-ch rumantsch	ladin
4. Lombriser E./Spescha G.B.	Miu vegl lungatg	surs.
5. Lombriser E./Capeder D.	Mumma romontscha	surs.
<i>chor viril:</i>		
1. Schneeberger H.R./Gaudenz D.	Clom d'agüd	ladin
2. Simeon G.D./Poltera R.	Pumer rumantsch	surm.
3. Thöni G.P./Poltera R.	Pumer rumantsch	rg + surm.
4. Lombriser E./Deplazes G.	Via nossa	surs.
5. Bertogg C./Giger C.	Romontschs restein adina	surs.
<i>Chor d'affons e dunnas</i>		
1. Tscharner G./Tscharner G.	Roman e Rita	ladin
2. Simeon G.D./Poltera R.	Rumantsch e pievel	surm.
3. Lombriser E./Poltera R.	Pumer rumantsch	rg + surm.

– **Luzi Bärtsch, Trin, niev president dil Cussegl grond.** Mintg'onn elegia il Cussegl grond a caschun dalla sessiun dil matg in niev president. Luzi Bärtsch, oriunds dalla Portenza, ei directur tier las Ovras da Domat (mira CP nr. 22/31-5-85 e nr. 23/7-6-85).

– **Toni Halter al seminari da scolasts a Cuera.** Per ils futurs scolasts eis ei fetg impurtont dad era s'occupar cul problem e la muntada della praula. Sco autur dil cu-disch «Praulas» ei Toni Halter staus igl um dil fatg per discuorer davart quei problem culs futurs magisters sursilvans.

## Zercladur 1985

– **Fiesta en memoria da Gian Fontana a Flem.** 50 onns ein gia vargai dapi la mort prematura dil scribent da Flem/Fidaz. En regurdientscha ed undrientscha dil poet e raquintader il pli renconuschiu da sia regiun ha la Renania organisau entginas occurencias. Venderdis, ils 31 da matg ha giu liug ina sera romontscha a Flem e

dumengia ils 2 da zercladur ina fiesta commemorativa cun l'inauguraziun d'ina fontauna en memoria da Gian Fontana a Fidaz (mira reportascha detagliada ed illustrada en la CP nr. 23/7-6-85 e rapports en GR nr. 45/7-6-85).

– **2000 onns Retoromania, commemoraziun en Lumnezia.** Ils Lumnezians han commemorau quei eveniment historic a caschun da treis seras romontschas mintgamai a Vella, Lumbrein ed Uors egl interval dad 8 dis. Scolars dallas scolas realas da Cumbel e Vrin, dalla scola auxiliara a Vignogn e dalla scola secundara Lumnezia a Vella han dau 5 scenas ord la historia dil svilup dil lungatg romontsch, preparadas da Toni Halter. Las uniuns dils vitgs han medemamein collaborau per embellir las seradas (mira GR nr. 44/4-6-85 e CP nr. 25/21-6-85)

– **Fiesta da musica Sursilvana a Breil.** Dumengia, ils 9 da zercladur 1985 ha giu liug a Breil la 14avla fiesta da musica sursilvana. La fiesta ei stada favorisada da stupenta bialaura e frequentada d'in grond pievel da fiesta. Buca meins che 850 musicantas e musicants ein separticipai alla concurrenza. 18 societads da musica dalla regiun, 5 gruppas da tamburs e 4 societads hospitontas ein sepresentadas avon ils derschaders. Sco quei ch'il derschader **Giusep Sialm** ha rapportau hagien las societads da musica dalla Surselva contonschiu in ault nivo e merettien laud e renconuschientscha (mira rapports detagliai GR nr. 47/11-6-85 e CP nr. 24/14-6-85).

– **Ina nova transversala da viafier.** Cusseglier naziunal dr. **Luregn Mathias Cavelti** metta en discussiun ina nova lingia per ina transversala da viafier tras las Alps. Quella nova varianta prevedess in tunnel da Biasca a Trun cun ina colligaziun da lingia normala cun Cuera ed in secund tunnel Trun-Erstfeld, pia ina transversala en fuorma d'in Y (mira GR nr. 46/11-6-85 ed ulteriura pressa grischna).

– **Dr. Iso Camartin ei vegnius elegius professer al Politecnicum federal.** Il Cussegl federal ha eligiu dr. Iso Camartin sco professer ordinari per litteratura e cultura romontscha al politecnicum (ETH) a Turitg. Ei setracta d'ina mesa piazza. Ils cuosts vegnan purtai dil politecnicum e dall'universitat da Turitg.

– **Ina nova serenera en Surselva.** Dumengia, ils 16 da zercladur ha la visch-naunca da Tujetsch saviu inaugurar sia nova serenera. Ils cuosts da construcziun muntan sin 6,4 milliuns francs (rapport davart l'inauguraziun e detagls tecnics mira GR nr. 49/21-6-85).

– **Sur Giusep Quinter niev plevon dalla catedrala da Cuera.** La pleiv dalla catedrala da Cuera ha eligiu Sur Giusep Quinter sco successur da Sur Paul Carnot che ha demissiunau per raschuns da sanadad. Il niev plevon dalla catedrala ei vischin da Trun/Zignau. Ils davos 13 onns eis el staus plevon dalla pleiv da s. Clau da Flia a Turitg.

– **L'uniun da giuentegna dalla Cadi** ha giu organisau sonda, ils 15 da zercladur a Surrein in di da giugs e concert. 60 squadras cun 240 participonts han priu part als differents giugs sportivs (mira reportascha GR nr. 52/2-7-85).

- **In center communal a Murissen.** Dacuort ei vegniu inaugura a Murissen in niev baghetg da fatschenta che dat suttetg alla posta, alla cassa da Raiffeisen ed al consum puril VOLG (mira GR nr. 53/5-7-85).
- Per la fin da zercladur han ins saviu inaugurar la **camona da Medel CAS** ch'ei vegnida restaurada ed engrondida el decuors d'in onn. Ella porscha uss plaz e dormitori per 58 turists (avon 46). Per quella restauraziun ed engrondida han ins investau 382 000 francs (mira rapportascha GR nr. 53/5-7-85).
- **Tir federal 85 a Cuera.** El decuors da treis jamnas (zercladur/fenadur) ein ro-dund 80 000 tiradurs ord tuttas parts dalla Svizra denton era da tuts continents se-participai al tir federal. Ils 29 da zercladur ei stau il di ufficial cun in imposant act festiv ed in bi cortegi tras il marcau da Cuera (mira rapportaschas en la pressa grischuna).

## Fenadur 1985

- **Cuors per dirigents e da cantar a Breil.** Per la tiarza gada ei vegniu organisau questa stad a Breil in cuors per dirigents e da cantar a Breil. Ver 70 participonts han gudiu quell'jamna d'instrucziun concentrada sut la bitgetta da Erich Widl, schef digl orchester d'opera a Turitg, Susanna Wyss, Brugg, Armin Caduff, Danis e Christoph Demarmels, Brugg.
- **Fundaziun Retoromana Laax.** Dils 20 da fenadur tochen ils 3 d'uost ha la Fundaziun Retoromana Laax organisau numerus referats publics ed in cuors per em-prender romontsch. La giesta dils referents cumpeglia ils suandonts numis: dr. Peter Linder, dr. pader Flurin Maissen, dr. Valentin Vincenz, Maria Muoth, Toni Halter, dr. Ursicin G.G. Derungs, Gion Giachen Furer, dr. Arnold Spescha, dr. Rudolf Viletta, lic. fil. Florentin Lutz, dr. Alfons Maissen, dr. Ricarda Liver, Silvio Camenisch, dr. Felix Giger e dr. Iso Camartin.

## Uost 1985

- † **Aluis Carigiet, Trun/Flutginas:** Il di dalla Fiasta naziunala, igl 1. d'uost 1985 miera il pictur artist Aluis Carigiet egl asil da s. Martin en la vegliadetgna da buna-mein 83 onns. Aluis Carigiet ei staus il pictur il pli popular ed enconuschten dalla Surselva e dil Grischun insumma. El ei vegnius enconuschents lunsch sur ils cun-fins svizzers ora sco graficher, pictur artist ed autur da cudaschs d'affons. L'entira pressa svizra, denton era il radio e la televisiun ein seregurdai digl artist grischun che ha cun ses maletgs contribuiu grondamein per far enconuschten il mund mun-tagnard da sia affonza ad in cerchel pli vast en Svizra ed ord Svizra. L'entira pressa grischuna ha honorau il trapassau cun pli u meins vastas commemora-zions, specialmein la GR en nr. 62/6-8-85 ed en nr. 63/9-8-85 cun in supplement special screts da Toni Halter.
- **Scuntrada «2000 onns Retoromania» a Savognin.** Dils 5 tochen ils 11 d'uost ein ils Romontschs s'entupai a Savognin per seregurdar digl eveniment historic

d'avon 2000 onns. La jamna da Savognin ei buca stada ina jamna da fiasta ni da festivitads, anzi il contrari: igl ei stau ina jamna da studi e da laver. La Ligia Romontscha ha elavurau in vast program ed ina gronda pierta che ha saviu cuntentar scadin participont. En quest liug eis ei nunpusseivel da vuler enumerar tut il pur-schiu. La jamna ei vegnida concludida la sonda sera, ils 10 d'uost cun ina sera da gala e la dumengia cun in liung cortegi ed in act commemorativ en la vasta tenda da fiasta. En num dil Cussegl federal ha il president della Confederaziun, dr. **Kurt Furgler**, purtau ils salids dalla Svizra e commemoraui igl eveniment historic. Ina part da siu discours ha el teniu per romontsch. Sco representant dalla Regenza grischuna ha il president da quella, dr. **Donat Cadruvi**, teniu in plaid festiv. Ils organisators dalla «Scuntrada» a Savognin han prestau ina laver enorme e contonschiu gronda renconuschientscha da tuttas varts. La «Scuntrada 2000 Retoromania» a Savognin vegn a restar a tuts participonts en buna memoria. Sco introduzion dalla «Scuntrada» ha la Ligia Romontscha salvau dumengia, ils 4 d'uost a Savognin sia radunanza da delegai tradiziunala. Quella ei stada signada dil tuttafatg dils eveniments suandonts: dalla scuntrada dil pievel romontsch. Las gasettas romontschas (Gasetta Romontscha, La Casa Paterna, Fögl Ladin, La Pagina da Surmeir) han ediu per quella caschun da cumionza in fegl special «2000 onns Retoromania» da 16 paginas. Rapports e rapportaschas mira en l'entira pressa grischuna dil meins d'uost, specialmein en la pressa romontscha.

– **2. Festival dalla musica romontscha a Mustér.** Da quei secund festival che ha giu liug dils 12 tochen ils 17 d'uost han numerusas gruppas fatg part ed era ils auditurs han buca muncau. A caschun da quei festival eis ei era vegniu organisaui in cuors per giuvens musicants sursilvans che ha giu fetg buna frequenza (mira rapports en la GR e CP).

– **Mustér: Baselgias e capluttas en restauraziun.** La pleiv da Mustér sestenta momentan tut specialmein per il manteniment da lur numerusas baselgias e capluttas. Gest quei mument ein ins vidlunder da restaurar la baselgia da s. Antoni a Cavaradiras, la baselgia da s. Placi e la caplutta da Nossadunna ad Acletta (mira rapportascha GR nr. 65/16-8-85).

– **Triation alpin a Flem-Laax.** Ils 17 d'uost ha giu liug l'emprema occurrenza da quella specia en nossa regiun. Il triation alpin consista d'ina sparta da senudar da 2 km (Lag la Cauma, Flem), cuorsa cun velo (duas gadas il gir Flem–Glion–Versomi–La punt–Flem) e cuorer 21 km (uaul grond Flem–Trin–Laax). Quella concurrenza fetg pretensiusa ei vegnida gudignada da Kurt Ehrensperger, Tavau, cun in temps total da 4.45.43,9. Igl emprem Sursilvan denter 143 concurrents ei Hansjörg Schmid da Laax, egl 8avel rang cun in temps da 5.27.53,6.

## Settember 1985

– **Radio regiunal Surselva?** Cun ina gronda collecziun da plattas e 10 000 francs vul **David Roger Wettstein**, disc-jockey el dancing «Porclas» a Glion metter en funcziun il november il radio local cul num «Radio regiunal Surselva». Ad interim vul el far in'emprova duront in meins. Per quella hagi el survegniu la lubentscha a bucca da cusseglier federal Schlumpf. Il studio vegn endrizzaus el dancing «Porclas» ed ei seigi previu emissiuns duront 24 uras a di cun treis collaboraturs.

– **Ils schefs cantunals della polizia d'jasters a Laax.** Per mintga cantun ei la polizia d'jasters da pli e pli gronda muntada. Ils 5 e 6 da settember ein tuts schefs cantunals dalla Svizra cun lur substituts stai serimnai a Laax per lur 46avla conferenza annuala. Culs representants dils uffecis federales eis ei stau ina dieta da 80 persunas. La dieta ei s'occupada specialmein cun damondas davart la controlla dils cunfins.

– **Exposizion da maletgs en la Cuort Ligia Grischa, Trun.** Sonda, ils 14 da settember ei vegniu aviert ina exposizion da maletgs dils picturs indigens **Alois Casutt** e **Christian Weber**, omisdus sesents a Trun. A caschun dalla vernissascha ha Giachen Conrad, Trun/Widnau presentau las ovras dils artists. Alois Casutt malegia idils dalla natira cun la tecnica en acril; Christian Weber preferescha il portret da personalitads historicas (mira GR nr. 74/17-9-1985).

– **In emprem subcollaboratur dalla Romania.** En sia radunanza dils 6 da settember a Lumbrein ha la suprastonza dalla Romania elegiu in emprem subcollaboratur per la Lumnezia en la persuna da scolast **Duri Pelican, Vrin/Lumbrein**. El vegn ad exequir siu uffeci accessori en stretg contact cul collaboratur regiunal Carli Scherrer, Trun. La suprastonza dalla Romania vul era engaschar ton pli spert tals subcollaboraturs per las regiuns dalla Cadi, dalla Foppa e dil Plaun.

– **Sanaziun dalla via Alpu fa progress.** La perforaziun dil tunnel «Crestas» (denter Mustér e Sedrun) ils 16 da settember munta in pass anavon el program da sanaziun dalla via Alpu. La terminaziun dall'emprema etappa da construcziun ei vegnida commemorada cun ina sempla festivitat (mira GR nr. 75/20-9-85).

– **Votaziuns cantunals e federalas dils 22 da settember 1985.** Votantas e votants han giu da prender posiziun viers 5 projects, 2 cantunals e 3 federales.

Ils projects cantunals:

1. Concessiun d'ina contribuziun cantunala per la construcziun dalla lingia Vereina dalla Viafier retica (tunnel Claustra-Lavin): 23 425 gie, 17 019 na
2. Revisiun totala dalla lescha davart ils dis publics da ruaus:  
28 176 gie, 11 332 na

Ils projects federales:

1. Coordinaziun dall'entschatta digl onn da scola en tuts cantuns:  
37 620 gie (CH 984 822), 3 905 na (CH 687 974)
2. Conclus federal davart la garanzia per rescas d'innovaziuns en favur d'interpresas pintgas e mesaunas:  
18 134 gie (CH 695 855), 20 745 na (CH 916 727)
3. Cudisch civil svizzer: Dretg matrimonial:  
20 555 gie (CH 921 593), 20 992 na (CH 762 962)

– **La Regenza dil Principadi da Liechtenstein a Mustér.** Mardis, ils 24 da settember ha la regenza dil Principadi da Liechtenstein fatg ina viseta ufficiala al Grischun. Ensemen cun ils commembers della Regenza grischuna ed ils cancelliers e lur dunnas han els era fatg ina viseta a Mustér, alla claustra ed alla scola claustral.

**– Commemoraziuns a caschun da «2000 onns Retoromania» a Falera, Rabius e Domat.** Ils 27, 28 e 29 da settember han treis commemoraziuns giu liug sut il patrundiada dalla Romania en las sura numnadas vischnauncas. Igl interess ei staus fetg gronds, la cooperaziun exemplarica e la frequenza trasatras considerabla (mira rapportascha en la GR nr. 79/2-10-85).